

續山東考古錄

續山東考古錄卷之六

滄州葉圭綬子佩甫述

泰安府上

泰安縣

周齊博邑又魯龍邑陽關邑譙邑蜀邑菟裘邑陽橋邑防邑又鑄國

春秋哀公十一年左傳公會吳子伐齊五月克博按禮名山大川不以封泰山當周初必不隸侯國春秋齊魯以長城巨防爲界泰山在長城南詩稱魯邦所瞻博邑在山南三十許里却屬齊齊魯遂界汶上疑後折入齊耳卽漢縣

春秋成公二年左傳齊侯圍龍杜注在博縣西南水經注汶

水自博城東又西南逕龍鄉故城南按據此龍城當在汶右岸縣

志圖及張廷模泰安縣圖此城在汶左岸志云縣東南五十

里大汶口東十餘里有城基俗曰鄉城卽龍城與鄆注杜注

皆不合

此處汶水本非故道詳水考

俟再考

史記功臣表有龍侯陳曙

水經注謂卽龍城而漢書表作龍陽又有龍侯摎廣德史記

表作龍亢王念孫曰史表是

陽關故城在東南六十里今陽關村春秋襄公十七年左傳

逆臧紇自陽關

春秋桓公三年齊侯送姜氏於讎杜注蛇邱縣西有下讎亭

水經注虵水又西南逕夏暉城南經書公會齊侯於下謹是

也按據此謹城當在今大會河西與北又當在小會河東

水溝

逕其縣志下謹城在西南一百十里有下暉村其圖與張圖

此城在大會河東名謹莊與酈注杜注皆不合俟再考

春秋成公二年楚侵魯及於陽橋遂盟於蜀杜注博縣西北有蜀亭陸澄曰博縣有陽橋今皆未詳其地

菟裘故城在東南 里今堪德鎮春秋隱公十一年左傳

公使營菟裘吾將老焉杜注在梁父縣南後漢志梁父有菟

裘聚水經注汶水篇淄水出梁父縣東南流逕菟裘城北

又逕梁父縣故城南

菟裘北即梁父南故不云又西

又西南逕柴縣故城北

按據此是菟裘在梁父城南今小汶南岸柴城村東北元和

志稱在泗水縣北五十五里今婁德鎮在小汶南

淄今名濁河與小汶

合流

入汶

羊祜城

即梁父城

隔小汶在其北柴城村在其西南泗水縣

在其南五十許里鎮有孫覲墓碑云葬菟裘東節義鄉仁里之原覲宋泗水縣人可爲明據道志稱在泗水西十五里誤

魯防邑凡五而臧氏之防杜注無明文考春秋襄十七年齊

高厚圍臧紇於防師自陽關逆臧孫魏志博平鉅平兩縣皆

有防城蓋在兩縣界上卽魯臧氏防矣宣叔娶鑄地本相近

史記周武王封堯後於鑄春秋襄公二十三年左傳臧宣叔

娶於鑄杜注今蛇邱縣治

路史謂卽祝誤會樂記鄭疏祝或爲鑄之文也

後漢志奉高縣劉昭注左傳昭八年大蒐於紅至於商衛紅亭在縣西北杜預曰接宋衛也按杜注紅魯地沛國蕭縣西有虹亭遠疑不云在奉高劉氏於沛國虹縣亦引蒐紅可知並無確見矣 春秋僖公元年左傳公賜季友汶陽之田杜注汶水北地震宇記謝過城在汶陽田齊以此歸魯謝過故有城存按汶陽似非邑名但地歸人而築城恐無此理則此城或護守此田者有城則汶陽亦邑矣近志此城在東北十五里與水經注蛇水逕汶陽田不符張圖汶北有汶陽城以爲漢縣非是或卽謝過城歟

史記楚漢之際月表濟北王田安都博陽通鑑胡注正義曰

博陽在濟北班志太山郡盧縣濟北王都豈博陽卽此地耶
今按濟北有博關博陽蓋博關之南也又漢四年田橫走博
陽注此據史記也班書作橫走博博陽近清河博關此正韓
信自趙進兵之路臨淄旣破君相皆出走其後韓信旣虜田
廣於濰水灌嬰又敗田廣於嬴下嬴縣亦屬太山郡此博陽
卽博城之陽按班志濟北王都乃文帝前元年分齊置濟北
王劉興居所都自春秋迄漢盧未改名似非博陽漢書灌嬰
傳云追齊相田橫至嬴博又云攻下嬴博則史記田橫所走
之博陽卽博無疑漢六年以膠東膠西臨淄濟北

曹參傳遷定濟北郡

蓋三齊并爲一改國爲郡也師古注云時未有濟北郡史追書之偶未考耳

博陽城陽郡七十三

縣立子肥爲齊王此濟北博陽非一地之證

胡注博陽於秦漢兵爭之時亦

嘗置郡按博陽本濟北王都疑田榮并濟北分爲兩郡

鄒陽傳城陽顧於盧博孟康曰

盧博濟北王治處此盧博爲兩縣又博陽卽博之證

濟北初都博而

後都盧故兼舉之其實治博而非博縣城治盧亦非盧縣城也又見平陰

灌嬰傳又云齊地已定

嬰別將擊楚公杲於魯北破之轉南破薛郡長身虜騎將入

攻博陽可見博之外又有博陽要在博縣南不遠胡氏謂卽

博城之陽近是

漢兗州泰山郡初屬濟北國武帝時屬朝廷

漢地志郡爲高帝置而郊祀志稱武

帝時濟北王獻泰山旁邑五嶽始皆在天子之郡則前屬濟北國矣治奉高縣

武帝始置此縣以前泰山郡疑治博

也又博縣柴縣梁父縣鉅平縣蛇邱縣

奉高縣故城在東五十里今東故縣莊水經注汶水出原山西南過羸縣南又東南過奉高縣北縣北有吳季札子墓在汶水南曲中季札之聘上國喪子羸博之間卽此處也從征記曰羸縣西六十里有季札兒冢汶屈從縣西南流縣志羸城在東五十里下云據水經注汶水出萊蕪原山西南過羸縣南計原山至此百許里何獨不詳所經且羸博奉高三邑皆在三四十里內今萊蕪縣北不置一縣亦非漢時牙錯基置之制且從征記云羸縣西六十里有季札兒冢今羸距博三十餘里安得其西六十里爲羸博之間乎則羸城應在萊蕪明矣此城宜爲奉高故城原志所謂奉高城本漢志有明

堂在西南四里今按漢明堂東北皆山谿危徑無可築城之地茲仍原志而存是說按此說最允羸縣卽萊蕪城子縣東故縣在其西南五十許里卽奉高城甚明應劭漢官儀云馬第伯封禪記二十二日晨燎升山封畢詔百官以次下半夜

後到明日上爵賜百官省事省畢發幕宿奉高三十里

後漢書章

帝紀元和二年二月辛未幸太山柴告岱宗進幸奉高壬申宗祀五帝於汶上明堂如奉高明堂在山下不得以進幸書矣明堂自在汶水上太平御覽引齊記云羸博二縣共界漢去山麓數十里也

武帝封禪割置此縣以供祀太山故曰奉高治嶽東北四十

里

山海經郭注泰山在奉高縣西北此東北當作東南

據二書奉高城所在較然明白

今山東麓至東故縣三十餘里各舉成數故里數小異原志

不可從也若汶水自羸趨奉高乃西南流而經云東南今汶
逕奉高南而經注皆云過奉高北蓋縣東北仙臺嶺有水東
南流至東故縣西屈而西南流與汶合名天津河通志以爲

汶之正源

水出泰山謂之汶
此說正自不謬

古汶蓋先與此水合屈而東南

過奉高西北季札兒冢卽在此曲中後改道而南此水遂於
奉高城西南入汶縣志或疑於此改東南作西南非也若奉
高城果在今所謂漢明堂東北四里則汶必逆上泰山方能
逕其北季札兒冢且在泰山上矣驗之今固無其蹟推之古
距有是理耶然則奉高卽東故縣無疑矣紀要奉高城在縣
東北十七里第從漢志計之耳又考漢書郊祀志初天子封

泰山泰山東北陞古時有明堂處處險不敞上欲治明堂奉
高旁未曉其制濟南人公玉帶上黃帝時明堂圖明堂圖中
有一殿四面無壁以茅蓋通水水圜宮垣云云於是上令奉
高作明堂汶上如帶圖據此是武帝方以古明堂險阻不宏
敞斷無仍作於險狹處之理且明堂作於奉高旁汶水之上
今所謂漢明堂者正在險狹之處南去汶水甚遠與此志種
種不合據水經注環水合北汶後通稱環水又東南流逕南
明堂下漢武帝云云引漢志見上古引水爲壁雍處基瀆存焉又
東左合汶水五詳水考是圜宮之水卽北汶其地濱北汶可知特
古北汶合環水東逕博縣北又東合大汶大汶方西南逕徂

徠山西博城東與今迥異其故道合大汶處今不可考故漢明堂故址愈難確指酈注稱南明堂則必指古明堂爲北明堂今所指漢明堂倘卽北明堂乎近志此明堂之東北又有周明堂稱漢稱周者不知何有依據余謂周明堂當在故縣西南備志所見俟考

博縣故城在東南三十里今舊縣村

柴縣故城在東南九十八里今柴城村

梁父縣故城在東南九十里今羊祜城據水經注梁父城在淄水之北通典泗水下漢梁父故城在縣北元和志泗水縣梁父山在北八十里西接徠山今羊祜城在小汶北徠

山南

羊祜城北卽梁父山南去泗水縣八十里可驗也
近世統名徂徠山遂以隋梁父縣北一山當之

與諸

書吻合羊祜卽梁父音訛耳

鉅平縣故城在南徼東五十里近志謂在寧陽非是

蛇邱縣故城在西南

里據水經注蛇邱城在蛇水東汶

水第逕其南境不逕其城下今大會河發源入汶皆在縣境

或謂蛇邱城在今肥城非是

縣西南六十里有西故縣莊近
志無考及者縣西南除蛇邱外

自漢迄今無他縣治但
在蛇水西未敢逕斷

後漢兗州泰山郡治奉高縣博縣梁甫縣鉅平縣濟北國蛇邱
縣魏晉因之南燕慕容德兗州或治梁父劉宋同晉

後漢晉皆有鉅平縣補三國志無之考劉宋志泰山太守下

卷之二
云永初郡國無鉅平縣洪氏本此越典午而同寄奴恐不然
後魏兗州泰山郡治博平縣及奉高縣鉅平縣梁父縣濟州東
濟北郡蛇邱縣

隋志博城下舊置泰山郡後齊改郡曰東平是後魏泰山郡
已治博平矣

魏志鉅平治平樂城有鉅平城平樂城今無考

魏志梁父有梁父城徂徠山在北疑徙治卽岱山城

高齊兗州東平郡治博平縣及梁父縣岱山縣周因之

隋志博城舊曰博按後魏名博平不名博或齊復名博歟闕
之俟考又云併博陵牟入焉按後魏無博陵縣未詳

岱山縣故城在東南七十里俗曰安固寰宇記廢岱山縣在乾封縣東南四十里依徂徠山北齊於此置隋開皇三年廢爲奉高縣按蓋齊廢奉高縣改後魏梁父爲岱山隋初又改名奉高隋志云有奉高縣開皇六年改曰岱山樂史失載六年改岱山隋志失載三年改奉高張圖岱山城北依徂徠山

梁父山在徂徠東蓋統稱徂徠由來久矣

隋

兖州魯郡

博城縣梁父縣開皇初廢東平郡三年改岱山曰奉高

六年復故十六年改博曰汶陽尋改博城大業初省岱山入之

隋志博城下大業初州廢按隋初廢東平郡縣隸兖州時州

治瑕邱州廢與縣無涉五字似衍

隋梁父縣故城在東南九十里小汶南寰宇記廢梁父縣在
乾封縣東南五十九里隋開皇二年移梁父縣於此接近世
所謂漢梁父縣城卽此城也

唐河南道

兖州
魯郡

乾封縣及泗水縣地

徂徠以南皆是隋
梁父未省故不書

武德五

年於博城置東秦州并置岱縣貞觀元年州廢省梁父羸肥城
岱四縣入焉長安元年更名乾封總章元年復名博城神龍元
年仍改乾封元和十七年省萊蕪縣入之

卽後魏羸
縣詳萊蕪

太和五年

復析置五代因之

寰宇記唐武德七年移梁父縣入博城置然則東秦州是時
有博城梁父兩倚郭縣矣 岱縣當仍岱山舊治

元和志乾封元年析長安以置乾封長安元年廢乃於岱山

下改博城爲乾封

乾封長安二縣下此文同

新舊唐志並以爲乾封元年

博城更名乾封今不從

宋京東西路襲慶府奉符縣及泗水縣地大中祥符元年改乾

封爲奉符

宋猶書泗水地據寰宇記泗水梁父城也金以後未詳何時割到

宋志奉符本漢乾符開寶五年徙岱岳鎮按當作本唐乾封

水經注岱山有上中下三廟元和志岳廟在乾封縣西北三

十里泰山之南按此卽下廟所謂岱岳鎮也卽今治 紀要

大中祥符初改曰奉符又築新城在今治東南三里

府志治革作三

十里城池志作三里而以岱岳鎮爲舊城

金山東西路泰安州治奉符縣初於縣置泰寧軍大定二十二年升泰安州

紀要金遷治岱鎮

顧氏本泰山志未詳志所本姑從備考

元直隸都省山東泰安州治奉符縣州初屬東平路至元五年析隸省部

明山東布政司濟南府泰安州洪武初廢奉符縣其地直隸於州來屬

國朝山東布政司泰安府治泰安縣初因明舊雍正二年州直隸布政司十三年升府置泰安縣爲府治

縣志

道光八年修知縣徐宗幹

沿革表漢奉高博兩縣地按古蹟有梁

父鉅平柴蛇邱等城不止兩縣地 古蹟羊祜城卽晉南

城羊祜封邑按南城在費縣

新泰縣

周魯平陽邑

春秋宣公八年冬城平陽杜注今泰山有平陽縣

漢兗州泰山郡東平陽縣

河東郡有平陽縣故此加東

後漢省魏復

東平陽縣卽今縣治城南有遺址劉宋志魏志新泰下並云

魏置言魏復置東平陽非已改新泰也舊唐志新泰下漢東

新泰縣晉去東字誤甚紀要稱故城在縣西非是

晉兗州泰山郡新泰縣初曰平陽後改

元和志新泰縣魯平陽邑也晉武帝泰始中鎮南將軍羊祜此縣人也表改爲新泰縣按不書漢縣似晉改魯邑名矣不合改名水經注在元康元年未知孰是考羊祜傳祜南城人武帝詔以泰山之南武陽牟南城梁父平陽五縣爲南城郡封祜爲南城侯置相與郡公同祜讓不拜新泰與南城中隔南武陽下等縣地唐新泰亦不能有南城地考後漢書羊續爲泰山平陽人祜卽續之孫蓋其後遷於南城逕以叔子爲

新泰人顯與本傳不合

山東運河備覽東平陽後漢省入南城誤由元和志

劉宋徐州東安郡新泰縣

後魏東安郡新泰縣後魏置與此非一縣也

後魏北徐州東泰山郡新泰縣兗州濟郡汶陽縣地

魏志汶陽有新甫山

高齊北徐州

郡新泰縣省東安郡新泰縣入之

詳蒙陰

周屬

沂州

郡

東泰山郡未詳何時廢齊周新泰未知屬何郡

隋

沂州琅邪郡

新泰縣及

兖州魯郡

泗水縣地

通考泗水有新甫山

唐河南道

沂州琅邪郡

新泰縣武德五年屬莒州貞觀八年來屬又

兖州魯郡

泗水縣地五代因之

宋京東東路

沂州琅邪郡

新泰縣及

兖州魯郡

泗水縣地

金山東西路泰安州新泰縣及兖州泗水縣地

元直隸都省山東泰安州新泰縣至元二年省入萊蕪三十一

年復元初析置行新泰縣

後改蒙陰詳蒙陰

今蒙陰自高齊迄金大約皆新泰地而新泰新甫山以西則

皆泗水地元復置蒙陰縣境與今同矣

明山東布政司濟南府泰安州新泰縣

國朝山東布政司泰安府新泰縣初因明舊雍正十二年屬泰安直隸州十三年州升府仍舊屬

縣志

乾隆四十九年修
知縣江乾達

沿革元魏蒙陰併入新泰魏書孝

武析沂水置新泰北齊復置蒙陰尋省入新泰按此因隋志新泰下後齊廢蒙陰入焉一語想當然而杜撰者元魏

固無蒙陰尤無沂水其誤又因元和志沂水卽新泰之文

詳蒙陰

隋代忽敘入沂水沿革尤謬

萊蕪縣

周齊贏邑平州邑又牟國

春秋桓公三年公會齊侯於贏杜注齊邑今泰山贏縣

又宣公九年公會齊侯於平州杜注齊地在泰山牟縣西漢

書高惠高后文功臣侯表有平州侯王啖下有梁父字蓋昭

景武昭宣元成功臣侯表有平州侯王啖下有梁父字蓋昭

涉掉尾免後又封王啖漢爲梁父縣地晉屬牟縣也魏志牟

縣有平州城

周書史記篇穆王召左史戎夫取遂事之要邢
以下所言國名有平州或卽此平州也備考

又桓公十五年邾人牟人葛人來朝杜注牟國今泰山牟縣

漢兖州泰山郡贏縣牟縣及萊蕪縣地梁父縣地後漢因之後

漢末分泰山置贏郡旋廢魏晉因之晉牟縣或作東牟

嬴縣故城在西北四十里今城子縣括地志嬴縣故城在博

城縣東北百許里此城在原山西南汶水北與水經注合見引

泰西南去博城里數相符爲嬴縣故城無疑唐初屬博城故

牟縣故城在縣東二十里

縣北抵原山有萊蕪地矣平州漢梁父地晉雖屬牟縣縣西

境仍有梁父地

補三國志嬴縣下蜀志糜竺傳爲嬴郡太守注載魏武表云

泰山郡界曠遠權時之宜可分五縣爲嬴郡嬴縣外餘四縣今不可考蓋

後旋廢也

據杜預說見前晉牟縣並未改名東牟也宋魏志皆無晉改東

牟之說况牟國本在此齊遷之今福山及寧海州地遂稱東牟無改牟爲東牟之理考東牟縣後漢廢晉會置東牟郡或亦會復置東牟縣晉志不載置東牟郡而此縣書東牟疑有誤乃補三國志此縣改書東牟縱晉果改似不可以例魏劉宋兗州泰山郡羸縣牟縣後魏因之

劉宋省萊蕪縣其地析入羸牟貝邱三縣

詳博山

後魏羸縣故城在北八十里今文字城魏志羸有羸城元和志萊蕪縣後魏移古羸縣於此又云韶山在縣西北二十里

今韶山

一作杓山

在文字城西北二十里其明證已舊唐志以爲

古萊蕪城誤 魏志牟縣有牟城未詳移治何所

高齊兖州東平郡羸縣省牟縣入博 縣周因之

隋

兖州
魯郡

羸縣開皇十六年析博城置牟城縣大業初省入羸縣

唐河南道

兖州
魯郡

萊蕪縣貞觀元年省羸縣入博城長安四年於

後魏羸縣城復置萊蕪縣元和十七年省入乾封太和五年復

五代因之周顯德元年以萊蕪監置廣利軍六年仍爲監

新唐志萊蕪下本隸淄州武德六年省入博城按舊唐 元

和志並稱貞觀初省羸入博城長安四年又於廢羸縣置萊

蕪縣萊蕪自劉宋省迄隋未復新唐志乾封下亦稱貞觀元

年廢羸入博城此蓋因萊蕪故城隋唐以來隸淄川而誤述

志稱武德四年省羸入博城調停兩說而無的據反與兩說

皆不合矣

萊蕪監故城卽今縣治寰宇記萊蕪監在萊蕪縣界古鐵冶

之務也

漢蕪縣有鐵官。監鐵官例不書獨書此者以其爲今縣城也。管一十八冶縣監不

相統又云礦坑阜在監北五里卽今縣北五里之礦山也魯

西冶在監西三十里卽今縣西三十里魯西集也東有汶陽

冶今縣東有汶洋保南有汶南冶今縣南有汶南保可證也

宋京東西路襲慶府萊蕪縣

金山東西路泰安州萊蕪縣

一統志金廢萊蕪監縣徙今治當在此時舊說今治卽唐宋

萊蕪縣非也

元直隸都省山東泰安州萊蕪縣

明山東布政司濟南府泰安州萊蕪縣洪武元年直隸濟南府
二年屬

國朝山東布政司泰安府萊蕪縣初因明舊雍正十二年屬泰
安直隸州十三年州升府仍舊屬

縣志

康熙知縣葉方恒

年修沿革羸魯邑誤

歷代皆云是時與

邑並建者某某縣唐則乾封宋則奉符金則奉符新泰元
則奉符長清既非縣境又非州郡全境殊不可解 古蹟
牟北魏省入羸博城俗名城子縣並誤

肥城縣

古肥國遂國周入齊又齊平陰邑棘邑京茲邑

應劭漢書注肥城古肥子國按肥國不見於春秋戰國時樂正子春謂其弟子曰子適齊過肥肥有君子焉其時或自國或齊邑不可考矣卽漢肥城縣

遂國故城在南四十里今清泉驛

宋安寧鎮

春秋莊公十三年夏

齊人滅遂杜注在蛇邱縣東北水經注溝水出馬山西南流逕棘亭南南去汶八十里又西南逕遂城東地理志曰蛇邱隧鄉故隧國也

此郡國志非地理志

京相璠曰隧在蛇邱東北十里杜

預亦以爲然縣東北無城以擬之今城在蛇邱西北蓋杜預傳疑之非也又西逕下謹城西按溝水今小會河

土人猶名溝水河通

志以爲發源縣西四十里馬頭山卽馬山南流逕清泉驛城
俗名非

東卽道元所謂遂國矣史記正義故遂城在龔邱縣西北七

十六里里數正合

或謂在今寧陽西北
十里與正義顯不合

史記齊桓公五年伐

魯魯將師敗魯莊公獻遂邑以平按據此似遂早滅於魯者
或魯先得其旁邑歟左傳昭八年史趙曰舜重之以明德寘
德於遂遂世守之蓋夏時舊國

春秋成公三年叔孫僑如帥師圍棘杜注汶陽田之邑在蛇

邱縣按棘蓋齊邑魯圍之如晉圍葛矣

傳曰取汶陽之
田棘不服圍之但今

馬山南至汶尙無八十里棘在馬山南且汶陽田邑至汶似

不能八十里疑有誤今未能確指姑係此備考

舊係
泰安

平陰故城在西北六十里春秋襄公十八年左傳晉伐齊

侯禦諸平陰塹防門而守之廣里杜注平陰在盧縣東北其

城南有防門於門外作塹橫行廣一里後漢志盧有光里今有廣里鋪蓋後人以

名地非古邑名水經注京相璠曰平陰在盧縣西南十里城南有長

城道所由名防門去平陰三里紀要以防門爲魯棘氏防邑此齊地非是杜說誤

又中軍克京茲杜注在平陰西南亦在縣西境

漢兖州泰山郡肥成縣及富成縣地後漢省肥城析入蛇邱盧

縣魏晉因之

肥成縣卽今治水經注泌水出肥脫城字縣東北自源西南流

逕肥城縣故城南左逕句窳亭北按泌今康河發源縣東北

西南逕城南又西南逕鳳皇山西山卽句嶽亭地後魏復置

曰治肥城

魏志

元復置曰於舊城設雖屢經廢置治未改紀要

稱故城在縣西誤 魏志富成有左邱明冢今在縣境

後漢書章帝元和二年鳳皇集肥成句嶽亭魏志肥城後漢

屬濟北晉罷是後漢魏並有肥城明證而後漢志無此縣或

章帝後省安順後復歟姑從俟考 又宗室四王三侯傳光

武以章少孤試守平陰令章懷注平陰縣屬河南郡應劭曰

在平津南故曰平陰在今洛陽縣東北濟州平陰縣東北五

里亦有平陰故城按章所守者自是河南平陰注兩存濟州

平陰故城豈不知隋以前此平陰未置縣耶唐平陰卽今平

陰古平陰去彼不止五里 補十六國志前趙視阿下晉書
載記曹巖遂略地西下視阿平陰按平陰此時非縣當屬盧
縣平陰城耳

劉宋兖州濟北郡治肥城故城仍爲盧虵邱富成地

劉宋無肥城縣隋志肥城下云宋置濟北郡宋書太始三年
肥城等戍皆不附於魏蓋爲郡治未置縣也

後魏濟州東濟北郡治肥城縣孝昌三年置郡 郡本宋有蓋魏郡治盧于城此

加東字耳 又兖州東平郡富成縣地高齊併郡於濟北郡

宇文周濟州肥城郡治肥城縣建德七年置郡尋廢又復

寰宇記混入後魏濟州治詎知一爲漢肥城一爲漢茌平耶

隋濟

州北郡

肥城縣及平陰縣地開皇中廢肥城郡來屬隋亂廢

元和志平陰縣隋於今縣西北二十八里置榆山縣大業二

年移於今理仍改名平陰通志今平陰西北無城以當之惟

肥城縣有榆城鄉縣南有紫榆山肥城本由平陰析置卽隋

縣之故址也按平陰西北去黃河十里河北不惟無榆山城

並無榆山今肥城西南二十八里有古城俗曰晒書城

俗傳孔子

晒書在城南二十五里紫榆山南似卽隋縣城也後以去肥

城較近又徙今平陰耳元和志疑有誤通志以爲今肥城非

唐乾封龔邱平陰縣地武德五年復置肥城縣貞觀元年省析

入博城平陰

寰宇記平陰有故肥城

五代因之

宋奉符縣地平陰縣地金因之

元都省山東濟寧路肥城縣至元中復

元志肥城下至元十三年以平陰之辛寨鎮東北十五里

當是

二十五里舊城改設今縣平陰下云至元十三年以縣之辛寨孝

德等四鄉分析他屬明年改寨爲肥城作中縣然則置縣在

十四年矣

明山東布政司濟南府肥城縣洪武元年屬濟寧府二年來屬

附洪武初置肥城千戶所

國朝山東布政司泰安府肥城縣初因明舊雍正十二年屬泰

安直隸州十三年州陞府仍舊屬 裁千戶所

縣志

康熙十一年
修知縣伊任

沿革夏兗州之域按縣爲禹貢徐州地

春秋齊地戰國屬魯按春秋戰國當皆齊地惟遂似會

屬魯

誤以後魏東濟北郡爲治碭礮戍

誤以肥城縣

爲周復

誤以隋濟州爲今濟寧州

續山東考古錄卷之七

滄州葉圭綬子佩甫述

泰安府下

東平州

周須句國宿國鄆國須句滅於邾地入魯宿鄆入齊改宿爲無鹽邑又魯郕邑郕邑陽州邑齊陽穀邑壽邑

須句國故城當在今州西春秋僖公二十一年左傳須句風

姓也杜注須句在須昌縣西北

此誤詳下

春秋隱公元年及宋人盟於宿杜注宿東平無鹽縣

又莊公三十年齊人降鄆杜注無鹽縣東北有郕城按卽漢

續山東考古錄

卷之七

東平州

一 蝸角尖廬

縣

郟邑故城在東南四十里今郟亭集春秋昭公二十五年左傳奔郟杜注在無鹽縣東南

春秋莊公二十八年冬築郟杜注魯下邑

詳下古本作郟公穀傳皆作微

又襄公三十一年齊侵陽州昭公二十五年公孫於齊次於陽州杜注齊魯境上邑春秋大事記謂在州西北紀要乾隆志並言在州東北考昭公此行由陽州而平陰而野井在州東北近是今州東北有大陽莊

公羊作揚州

陽穀邑在西北三十五里今王古店春秋僖公三年齊侯宋公江人黃人會於陽穀杜注在須昌縣北元和志東阿縣陽

穀亭在東南四十二里今王古店猶在州與東阿境上

唐東阿在

今縣西二昭公二十九年齊侯以陽穀與昭公子衍是時公

方依齊非與魯也

史記秦伐齊取剛壽壽郎壽聚

詳下班固曰壽良魯地蓋後入

齊也

春秋會吳於良卽漢東海良成縣非此地壽張有高梁亭見汶上疑漢縣以壽與高梁得名耳

漢兗州東郡須昌縣壽良縣及泰山郡桃鄉縣地又東平國治

無鹽縣景帝中六年分梁置濟東國武帝元鼎元年改大河郡

宣帝甘露六年改東平國又章縣

卽富成縣戴村壩古四女口桃鄉地也

須昌縣故城在西北十五里

壽良縣故城在西南里

東平國故城在東二十里今須城村

無鹽縣故城在東二十里今無鹽村

章縣故城在東七十許里今鄣城集

五城並詳下

宮城縣故城在東八十許里水經注濟水東北過壽張縣西

界安民亭南汶水從東來注之又北逕須朐城西

注城側臨

濟水杜預曰須朐在須昌西北非也地理志壽張縣西北有

朐城者是也

郡國志訛列城

濟水西有安民亭亭北對安民山東臨

濟水水東即無鹽縣界也

經

又逕微鄉東

注

春秋築郟京相

璠曰公羊傳謂之微在東平壽張縣西北三十里杜預曰有

微子冢

經

又北過須昌縣西京相璠曰須朐一國二城兩名

蓋遷都須昌胸是其本

鳥知須昌非秦縣乎此或有本

秦以爲縣又汶水春

亭

又西南過東

一本脫此字

平章縣南

注

故城在無鹽城東北五

十里又南泌水

自句蘇亭西

又西南逕富城縣故城西又西南注

於汶

經汶

又西南過無鹽縣南又西南過壽張縣北又西南逕

安民亭南注於濟

注

汶水自桃鄉四分謂之四汶口左二汶

雙流西南至無鹽縣之郈鄉城南其城無南面又西南云云

詳水考

次一汶

此右左汶

西逕郈亭北又西至壽張故城東遂爲澤

渚其右一汶

此右右汶

西逕無鹽縣故城南又西逕洽鄉城南又

西南逕壽張縣故城北春秋之良邑也

此誤

縣有壽聚又西南

長直溝水注之水出須昌縣城東北穀陽山南逕須昌城東

又南漆溝水注焉水出無鹽城東北五里阜山下西逕無鹽

故城北水側有東平憲王蒼冢其水又西流注長直溝水奇

分爲二一水逕須昌南入濟一水南流注於汶汶又西入濟

按微城卽魯郟邑微子城在山西潞城縣東北十五里鄭康

成謂微在殷之圻內則在彼不在此此城當在州西紀要謂

在今壽張南非是 秦漢魏晉宋後魏隋唐須昌縣皆在須

昌城在今州西北十五里宋志有明據

詳下

須句城當在其西

南蓋漢時其城屬壽良也元和志稱郟州理故須句城其城

在濟水東二里與須句城側臨濟水不合則仍治須昌城矣

紀要以今治爲須句城今治尙在右右汶之北愈不能側臨

濟水又以齊須昌縣爲須句城則尤謬 東平國王城與無

鹽縣城漢縣城與後魏縣城皆非一城通典須昌下漢無鹽

故城在今縣東又有漢東平國故城並在今縣東此國縣有

兩城明証魏志無鹽有無鹽城元和志須昌下云前此須昌

縣此卽國城劉宋移縣與郡同治齊改須昌李氏誤以爲漢須昌而以州理須昌爲須句城在今須昌縣

東南三十二里無鹽故城在縣東三十六里此須昌卽後魏

無鹽又漢縣魏縣有兩城明證州北大清河卽漆溝故渠水

側有東平憲王墓可證州東二十許里無鹽村有古城府志

誤作卍城在大清河南小清河北卽右右汝此古宿國漢無鹽縣

城也此城隔大清河之北須城村有古城在州東二十里此

東平國後魏無鹽縣齊須昌縣隋宿城縣唐東平縣城也

安民亭在州西南五十里

有安民山可証近志稱在州西十里誤

實壽張之西

境右左汝卽州南龍拱河卽亭在南可證逕卽亭後卽至壽張故城東右右汝逕壽張城北在逕無鹽洽鄉後而須胸城實在壽張城之西北則壽張城當在今州西南不甚遠州西南五十里壽張集乃後魏濟州壽張非漢縣富城當在州東與肥城接界處或云近平陰不合

後漢兖州東平國治無鹽縣又須昌縣富城縣章縣壽張縣本

壽良光武改名魏黃初五年壽張爲縣王國太和六年復故

王徽

進封東平晉省章縣

後漢志無鹽有章城蓋王莽改桃鄉曰卽亭魏志無鹽有南章城卽桃鄉城非章縣也

三國魏志東平靈王徽黃初四年徙封壽張王

白廬江徙封此

五年

改封壽張縣按魏黃初五年普降諸王爲縣王四年猶未降壽張本縣名疑四年徙封東平王誤作壽張

補東晉志東平郡下晉書孝武太元十九年東平太守韋簡及慕容垂將尹國戰於平陸據此則東晉已改郡矣補十六

國志前秦東平國下引晉書符堅東平太守楊光稱國誤矣

劉宋兖州東平郡治無鹽縣及須昌縣壽張縣後魏復置富城

劉宋志無鹽寄治郡下前此不與國郡同城可知須昌壽張

亦寄治郡下若陽平郡之樂平館陶則寄治無鹽蓋漢無鹽

縣城其分地在今汶上寧陽故此不書明帝時東郡太守鎮

無鹽亦寄治也范縣亦寄治郡下今州境無其地

魏志富城有富城蓋復置非漢治也今未詳

高齊兗州東平郡須昌縣郡移治博廢無鹽縣移須昌治之

隋志宿城下後齊曰須昌舊置東平郡後齊並廢按此並字
當指郡與無鹽郡字下當有及無鹽縣四字不然齊未廢須
昌也 元和志東平縣古宿國兩漢爲無鹽地後齊於此置
須昌縣屬東平郡按數語最核實非漢無鹽縣城乃其地非
秦漢須昌乃齊須昌東平郡雖廢又改東泰山郡爲東平郡
縣仍屬之宿國亦謂其地非其城其須昌縣下又以此爲漢
須昌直以宿爲須句矣舊唐志誤同

壽張富城當皆齊省

隋之壽張乃後魏濟州之壽張非此壽張

隋

東平郡

須昌縣宿城縣開皇十六年改須昌

後魏無鹽高齊須昌

爲宿

城須昌還治須昌故城

唐河南道

東平郡

治天平軍節度使治須昌縣貞觀八年省宿

城入之自鄆城移州來治景龍元年

舊唐志作景雲誤

復置宿城縣天

寶十三載併濟陽郡貞元三年

據元和志雲字記作元年

升都督府四年

舊唐

志誤作貞觀四年

改宿城爲東平移入州城

與須昌同倚郭

元和十五年賜軍

號太和四年改東平爲天平六年省入須昌五代梁因之唐改

須城晉漢周因之

新唐志鄆州領縣九舊唐志云領縣十而所列仍九縣蓋天

續山東考古錄

卷之七

東平州

六 蝸角尖廬

平未省前原文也

通鑑辨誤武德四年徐圓朗昌州刺史劉善行來降史炤曰昌州本蒲縣此時圓朗據兗州自以須昌縣置昌州耳蒲縣之昌州圓朗安能有之耶據此是隋唐之際縣爲徐氏昌州矣

宋京東西路東平府東平郡天平軍節度治須城縣慶厯三年於郡置京東西路安撫使大觀元年升大都督府政和四年移安撫使於應天府宣和九年改爲東平府

宋須城縣卽今州治宋志咸平三年移治於東南十五里陽鄉之高原鄆州並徙後鄆州還治郟城按陽鄉疑卽治鄉九

域志

江浙本

作東平府舊鄆州東平郡而鄆城自屬濟州宋志

同皆無鄆州徙鄆城事是鄆州升府後別無鄆州也疑誤

金山東西路轉運使治東平府天平節度治須城縣

元都省山東東平路總管府治須城縣太祖十五年置總管府
至元五年降散府九年改下路總管府

明山東布政司兗州府東平州吳元年改東平路爲府七年降
州屬濟寧府廢須城縣其地直隸於州十八年來屬附洪武初

置東平千戶所

國朝山東布政司泰安府東平州初因明舊雍正二年直隸布
政司十三年降散州來屬 裁千戶所

續山東考古錄

卷之七

東平州

七

蝟角尖虛

州志

道光五年修
知州周雲鳳

沿革秦碭郡須昌縣按須昌秦東郡屬

紀要本通典東平秦碭郡以東平梁國所分梁碭所分也

此唐天寶十三載前州郡沿革後并濟陽已不可用况今
州乎 前漢無壽良後漢有壽張已謬唐宋金元皆列壽
張明不列以明徙今治抑知隋以後壽張已非漢舊乎

古蹟以隋宿城爲古宿國已誤又別出無鹽城矛盾甚矣

陽穀故城隋置縣按此古邑非隋縣 桃鄉卽後漢光

武紀之桃城此沿革懷誤注

詳郛
縣

東阿縣

周齊穀邑清邑周首邑留舒邑尙邑衛桃邱邑

西境當有柯邑
地南境當有陽

地穀

穀邑卽今縣治春秋莊公七年夫人姜氏會齊侯於穀杜注齊地今濟北穀城縣又三十二年城小穀杜注齊邑濟北穀城縣城中有管仲井左傳城小穀爲管仲也按留舒避穀七里留舒城在魚山上魚山在縣西北八里今治卽古穀邑矣又小穀是魯地非管仲所封詳前錄

春秋隱公四年冬及宋公遇於濇杜注濟北東阿縣有濇亭水經注濟自魚山北逕濇亭東京相璠曰今濟北東阿東北四十里有故濇亭按當在今治西北不遠

又文公十一年左傳齊襄公之二年

魯桓十六年水經注引無齊字與魯襄泥通志

引作桓公十八年誤鄭瞞伐齊齊王子成父獲其弟榮如埋其首於周

首之北門杜注周首齊邑濟北穀城縣東北有周首亭水經注濟過穀城縣西又北逕周首亭西按當在今治北

留舒邑故城在縣西北八里左傳哀公二十七年陳成子救鄭及留舒遼穀七里穀人不知水經注吾山上有柳舒城紀要留舒城在東平州西誤

春秋僖公二十六年公追齊師至鄒弗及杜注在穀城縣西後漢志穀城有溝下聚晉志訛作烏下

桃邱故城在西南五十里今陶城鋪春秋桓公十年公會衛侯於桃邱杜注東阿縣東南有桃城漢書王子侯表陶鄉侯

恢東平場王子疑卽此城或以爲任城之桃聚非

詳鄒縣

漢兗州東郡臨邑縣及東阿縣地荏平縣地須昌縣地

水經注鄧里渠於東阿故城北合將渠又東北逕荏平縣東

與臨邑縣故城西而北入大河又濟水逕周首亭西又北逕

臨邑縣東

逕其東境

水有石門後漢書宗室四王三侯傳封復爲

臨邑侯章懷注臨邑屬東郡

今本誤作海

在今濟州東亦名馬防

城通典盧縣

卽漢荏平

下漢臨邑縣故城在今縣東卽馬防城據

此是漢臨邑城在大河南鄧里渠東濟水西東阿東北荏平

東南

二縣指漢城

周首及石門之西北河在今縣北五六十里有

楊劉鎮可證漢荏平在後魏聊城縣南五十一里當在今治

北少西五十許里石門在今治東北十里濟水卽大清河漢

臨邑在縣北境明矣或謂卽銅城驛者其地頗近是備考禹

貢錐指稱在今茌平境以唐盧縣卽漢茌平故耳抑知今茌

平境皆在河北故

王莽改臨邑爲穀城亭當近穀城矣

漢東阿縣故城在西四十里今隸陽穀縣志亦載陽穀邑蓋
王古店本在縣與東平分界處穀城前漢亦須昌地茌平見
上故知今縣有前漢東阿茌平須昌地

後漢兗州東郡穀城縣臨邑縣及東阿縣地東平國須昌縣地

濟北國茌平縣地魏未詳

補三國志臨邑穀城皆屬濟北與晉同恐未確今闕疑俟考

舊說後漢穀城卽今治考水經注濟

自魚山

東又北逕清亭東又

北過穀城縣西

注

濟水側岸有尹卯壘南去漁山四十餘里

或疑銅城爲尹卯壘其地不能側濟岸南去漁山當是西南去也

是穀城縣界魏土地記曰

縣有穀城山陽穀之地

時陽穀未置縣或古邑地歟否則是穀城之訛

又有狼水出

東南大檻山狼谿西北逕穀城西又北有西流泉出城東近

山西北逕穀城北西注狼水又西北入清水

句絕近志與下城字連讀誤

城西北三里

穀城西北

有項王羽之冢按大檻山亦在今縣東南

惟此合水經注

山在今治東南三十里縣志稱狼水出縣東南四里黃崖山與水經注異

西流水

今稱東流水其源出

治東南十五里天池山下之洪範池

自今治視之不得云城東近山也西流水於今治東南合狼

水不逕其北項王墓在今治南十許里穀城故城似當在其

東南也存疑俟考

晉兗州濟北國治穀城縣國治縣之盧子城又臨邑縣及東阿

縣地東平國須昌縣地

永嘉以前縣境當仍有淮平地

盧子城卽周首亭據杜預說

見前

知爲穀城地水經注京相璠

曰今濟北郡

晉志作國

所治盧子城故齊周首邑也是晉已治此

補東晉志東阿有陽穀亭據元和志也按晉時陽穀係須昌

地杜預有明文不得以唐地志爲據

劉宋兗州濟北郡穀城縣郡徙治肥城故城又東平郡須昌縣

地大明元年省臨邑縣

宋志永初郡國有臨邑何志無蓋偶脫耳

後魏濟州濟北郡治盧子城爲盧縣地

魏志盧縣有盧子城蓋後魏盧治碣城省穀

城析人盧也

及臨邑縣東阿縣後魏復置二縣移東阿來治今縣西

二十六里又兗州東平郡須昌縣地

魏志臨邑有臨邑城蓋復置非舊治也今未詳

又東阿有東阿城是後魏已非漢治自是迄唐東阿未徙治

元和志東阿縣東阿故城在西二十里漢東阿縣也

括地志稱在西

南二十五里

又云魚山在縣東南二十里穀城山在縣東三十二

里項羽墓在縣東二十七里括地志穀城故城在東阿東二

十六里卽今治至後魏迄唐東阿縣城里數矣

又濟州盧縣有柳舒城隋志盧縣有魚山是魏齊周隋盧縣

南境兼有古東阿地

高齊濟州濟北郡東阿縣及盧縣地周隋因之

隋以後有僑置之臨邑其實土蓋齊省入盧縣

唐河南道

鄆州東平郡

東阿縣初屬濟州武德四年復置穀城縣又

置昌城縣六年皆省天寶十三載來屬五代因之

漢書王子侯表昌城侯豐東平思王孫水經注河水自鄆里

渠北逕昌鄉亭北逕礪礪城西唐縣卽此城當在縣西北境

隋志東阿有嶮山狼水東南境已與今同而魚山以北猶屬

盧縣唐時魚山已屬東阿宋廢盧縣縣北境始與今同

宋京東西路東平府東平郡東阿縣

金山東西路東平府東阿縣

續通考東阿縣宋徙新橋鎮今治北八里舊城村是九域志

縣有北新橋鎮非宋徙也紀要一統志通志府縣志並稱宋

開寶八年徙治南穀鎮即舊縣太平興國二年徙治利仁鎮金

縣有利仁鎮縣志云即今縣南二十里棘城村紹興三年金人徙治於新橋鎮近志稱天

會續通考稍誤至宋之二徙遍考無此說而牴牾尤甚元和

志東阿在州西北五十里唐鄆州在今東平西北十五里也

寰宇記作四十五里太平興國在咸平前時州仍唐治舊縣

至彼不過三十許里棘城至彼不過二十許里與四十五里

之數皆不合是太平興國時東阿仍唐故治也寰宇記與元和志里數小

異者甚多五里之差不足爲疑九域志東阿在州西北六十里其時州已徙

今治本四十五里加十五里正得六十里是元豐時東阿仍唐治而開寶太平二徙有大可疑者矣或出明代邑志附會俟再考

元都省山東東平路東阿縣

明山東布政司兗州府東平州東阿縣

明東阿縣卽今治明志東阿下故城在西南洪武八年徙於

此則元代縣治卽舊縣鎮矣未詳何時所徙

以有衆証之漢臨邑唐東阿今

皆不能確指其地有相近之留舒今治爲穀城無疑有西北之項家穀城在其東南亦無疑兩無可疑一無可信矣宋人二徙觀近志似確鑿可憑證往籍皆亂斷不合今人一徙差有續通考可據而又以金爲宋是其考古之難幾時荏平矣

國朝山東布政司泰安府東阿縣初因明舊雍正十三年來屬

縣志

道光九年修知縣李賢書

沿革西漢濟北郡穀城縣按西漢無此

郡並無此縣

隋兗州治滑縣按隋兗州治瑕邱且與縣

無涉

隋代不書縣名

唐宋金元皆無縣名惟稱緊縣

中縣並云天寶元年更名緊縣是直以今繁簡等字作縣

名矣鄙陋何至於此

古蹟無後魏至

五代東阿古城

平陰縣

周齊郟邑石門邑

東北當有平陰邑地其城在今治東北三十五里屬肥城

郟邑在西南三十里春秋襄公十八年左傳晉伐齊魏絳樂

盈以下軍克郟杜注平陰有郟山按今名亭山

石門邑在西南 里春秋隱公三年齊侯鄭伯盟於石門

杜注齊地或曰濟北盧縣故城濟水之門水經注京相璠曰
今濟北盧縣故城西南六十里有故石門去水三百步蓋水
瀆流移故側岸也按杜預所稱或曰卽指京氏所引似有脫
文其地古在盧與臨邑分界處今在縣與東阿分界處

漢盧縣地文帝前元年於盧縣西南別築城爲濟北國治曰年
爲郡十六年復爲國武帝後元二年國除入泰山郡以國治城
爲北安縣屬泰山郡後并入盧縣

何時并
入無考

北安縣故城在東十里今安城鋪漢書淮安衡山濟北王傳
濟北王寬自剄死國除爲北安縣屬泰山郡按表時當武帝

後元二年也蓋本盧縣地別建城爲濟北王都國除自爲縣
後又并入盧縣故漢志不載縣東十里有安城鋪卽其故址
矣通典不知爲漢故縣以爲齊之鞍邑非也

後漢魏晉劉宋盧縣地後魏太原郡之盧縣地齊周肥城縣地

隋析肥城置今縣蓋高
齊省太原盧縣入肥城

隋濟北郡平陰縣開皇十四年置榆山縣大業初移今治改名

元和志隋於平陰西北二十八里置榆山縣云云已詳肥城

唐河南道鄆州平陰縣初屬濟州天寶十三載來屬太和六

年省入盧與東阿開成二年復五代因之

宋京東東路東平府東平郡平陰縣

金山東西路東平府平陰縣

元都省山東東平路平陰縣至元中東境析入肥城縣

明山東布政司兗州府東平州平陰縣

國朝山東布政司泰安府平陰縣初因明舊雍正十三年來屬

縣志

嘉慶十三年修
知縣喻

泰安府補遺

泰安縣

路史鑄國卽祝國誤 又謹亭在濟之乘邱又云乘邱唐入鉅野按謹亭在蛇邱誤作乘邱乘邱屬泰山誤作屬濟隋改乘氏爲乘邱省入鉅野誤作唐省宋濟州治鉅野誤作古濟北入鉅野者乃漢山陽之乘氏誤作漢泰山之乘邱 又衛國杜預云奉高西北有衛亭昭八年接商衛者按康叔所封之外何嘗更有衛國杜預亦無此注

後漢書注引封禪記二月十二日宿奉高國家居太守府舍東方諸侯雒中小侯齋城外汶水上據此奉高城實瀕汶水不在

泰山之麓明矣又云自奉高發九十里至梁甫古九十里當今五十許里今故縣莊至羊祜城正合此數

宋史五行志大中祥符元年乾封縣奉高鄉民田禾異畝同穎縣廢爲鄉卽以爲名也

元史百官志大德二年置泰安長官司掌民一百有一戶

此與臨邑

曹州長官司當卽與州縣同治

新泰縣

魏書羊深傳泰山平陽人按平陽晉已改名新泰此誤

萊蕪縣

路史牟國泰山牟縣今文登謬甚又云漢牟縣今奉符亦誤

東平州

山河兩戒考微欒鼎銘云王命微欒繼治九服用錫康嗣魯休
當是魯之支庶有封於微者卽州境微城按無專鼎頌壺頌敦
並有魯休字自是古人常語積古齋鐘鼎款識魯休猶言嘉休
余謂魯同鹵大也與魯國無涉 路史須昌魯東鄆邑甚謬

後漢志壽張下云春秋曰良水經注誤本此又云有堂聚故聚
屬東郡按水經注壽張有壽聚此涉上文堂陽亭誤又衍下聚
字耳

晉志後漢順帝改濟東爲東平按前漢已改濟東爲東平並未
復名濟東此志疑誤

宋書文帝紀元嘉八年檀道濟破索虜於東壽張東字下脫平字道濟傳有平字

郡國利病書通鑑裴度討李師道請令田宏正自楊劉渡河直指邳州至陽穀置營宏正奉命自楊劉渡河距邳四十里築壘師道遣劉悟屯於陽穀夜半還兵天未明抵城下胡注九域志陽穀在州西一百三十里非也去州百三十里者乃今陽穀在西北楊劉在州正北不應楊劉渡河迂至西又轉而東且悟以三鼓還師安得未明行百三十里此陽穀乃今陽穀店在州北四十里卽度所令置營地也按此陽穀乃古邑胡氏旣誤以爲陽穀縣又誤以宋縣爲唐縣但唐邳州在今州西北十五里北

去陽穀店無四十里置營之處當尚在陽穀店之北 唐末五代每稱鄆州爲汝陽見於冊府元龜及新舊五代史者指不勝屈舊史張延播盧順密傳逕云汝陽人吳巒傳云汝陽盧縣人新史作鄆州盧縣人和凝傳云汝陽須昌人竟似鄆州改名汝陽者殊不合舊史范延光傳徙鎮天平又稱爲汝上

五代會要周廣順元年升曹州爲彰信軍以鄆州隸之按鄆州自爲天平軍治周並未廢節度恐無此制再考

宋咸平三年徙州治宋志作陽鄉姚鉉傳作汝陽鄉

東阿縣

宋書符瑞志晉海西公泰和元年陽穀獻白兔考陽穀亭晉爲

須昌縣地白兔出此當書須昌獻不得越縣而書亭也且東晉海西公時東平非所有非此陽穀明矣晉志揚州宜城郡朐穀縣下注云孝武改朐爲陽蓋避鄭太后諱也海西時獻白兔者定是此縣而補東晉志係之東阿陽穀亭下甚誤晉陽穀亭隸須昌杜預有明文而據元和志係之東阿誤而又誤矣

郡國利病書通鑑田宏正奏敗師道兵於東阿注云東阿漢古縣唐屬鄆州九域志在州西北六十里與今舊縣相合而舊志載宋時始由阿城遷於南穀審如所紀則唐時邑城方在故阿去州百里而遙矣然則南穀有城不自宋始也按唐鄆州在今東平西北十五里唐東阿在州西北四十五里見元和志卽後

魏復立之東阿並非漢縣宋咸平二年州徙今東平故九域志作六十里宋初兩遷余雖疑之然尚恐或別有據觀顧氏第謂舊志云爾可知竟出於近志之附會矣特唐東阿在漢縣東二十里具載元和志顧氏云云竟似唐已徙南穀者夫通鑑所載固唐代事胡氏所引乃宋人書烏足爲唐縣已徙南穀之證乎後漢書注東阿今濟州縣是章懷亦不知其時非漢始也

宋史五行志太平興國四年鄆州清汶二水漲壞東陽縣民田陽阿字筆誤